

論之

〔續日本紀三十七〕延曆元年十二月壬子詔曰、公廩之設、先補欠負、次割國儲、然後作差處分、如聞諸國會不遵行、所有公廩、且以費用、至進稅帳、詐注未納、因茲前人滯於解由、後人煩於受領、於事商量、甚乖道理、又其從四位已上者、冠蓋既貴、榮祿亦重、授以兼國、行聞善政、今乃苟貪公廩、徵求以甚、至于遷替、多無解由、如此不責、豈曰皇憲、自今以後、遷替國司、滿百二十日、未得解由者、宜奪位祿食、封以徵將來、〔續日本紀四十四〕延曆九年十一月乙丑、勅曰、公廩之設、本爲填補欠負、未納、隨國大小、既立舉式、而今聞諸國司等、雖有欠物、猶得公廩、理須依法科罪、沒爲官物、但以國司等久有仕官之勞、曾無還家之資、今故立法制、宜自今以後、有舊年未納欠負者、大國三萬束、上國二萬束、中國一萬束、下國五千束、已上年徵填附帳申上、若不據此制、有未納者、返却稅帳、隨事科罪、其當年未納者、一依去天平十七年式填之。

〔延曆交替式〕太政官符

應填納舊年未納欠物事

檢案內、太政官去延曆九年十一月三日、下諸國符、稱被右大臣宣稱、奉勅公廩之設、本爲填補欠負、未納、隨國大小、既立舉式、今聞諸國司等、雖有欠物、猶得公廩、理須依法科罪、沒官其物、但慮官人等久有仕官之勞、曾無還家之資、故今立法式、舊年未納欠物者、大國三萬、上國二萬、中國一萬、下國五千束、已上年徵填附帳申上、當年未納、一依天平十七年式填之者、今被大納言從三位神主宣稱、奉勅出舉息利、一從減少、填納舊物理須改張、宜令大國一萬八千、上國一萬二千、中國六千、下國三千束、已上年徵納、其當年未納、一依先符者、諸國承知、依宣施行。

延曆十六年八月三日

○按ズルニ、雜稻ヲ出舉スルニ半倍ノ利ヲ收メタルヲ、延曆十四年ニ減シテ三分ノ息トス、因